



ՄՈՒՐԲ ԶԱԿՈՐ

ԱՌԱՋՆՈՐԴԱՆԻՍ ՄԱՅՐ ԿԵՂԵՅԻ



ԽԱՉԿԵՐԱՅԷՆ ԵՏԲ ՀԻՆԳԵՐՈՐԴ ԿԻՐԱԿԻ

22 ՀՈԿՏԵՄԲԵՐ 2017

Կիրակնօրեայ Ընթերցումներ	Էջ 1
Հաւատով Խոստովանիմ	Էջ 3
Ծանուցումներ	Էջ 4

ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳՐՔԷՆ (20.1-21.6)

Ասորեստանի Սարգոն թագաւորին հրամանով Տարաթան հրամանատարի Ազոտոս գալէն եւ պատերազմով զայն գրաւելէն երեք տարիներ առաջ, Տէրը հետեւեալ պատուէրը տուաւ Ամոսի որդի Եսայիին. «Գնա՛ հագուստդ վրայէդ հանէ եւ հողաթափդ ալ՝ ոտքերէդ»։ Եսայի մարգարէ ըստւածը կատարեց եւ սկսաւ մերկ ու բոպիկ պտըտիլ։ Տէրը այսպէս ըսաւ. «Ահա երեք տարի է որ իմ ծառաս՝ Եսայի մերկ ու բոպիկ կը պտըտի։ Ատիկա նշան եւ օրինակ պիտի ըլլայ եգիպտացիներուն եւ եթովպացիներուն համար։ Թող հասկնան թէ ճիշդ այդպէս Ասորեստանի թագաւորը գերի պիտի տանի եգիպտացիներն ու եթովպացիները, ծեր թէ երիտասարդ, բոլորն ալ մերկ ու բոպիկ, իրենց ամօթոյքն ալ բաց, որպէսզի խայտառակուի Եգիպտոսը։ Պարտութեան մատնուած եգիպտացիները ամօթ պիտի զգան եթովպացիներուն համար, որոնց վրայ դրած էին իրենց յոյսը. որովհետեւ եթովպացիներն էին Եգիպտոսի վրայ իշխողը։ Այն օրը փղշտացիները պիտի ըսեն. “Մենք ասոնց օգնութեան ապաւինած էինք, մինչդեռ ասոնք

նոյնիսկ իրենք զիրենք չկրցան ազատել Ասորեստանի թագաւորէն. մե՞նք ինչպէս պիտի ազատինք”»։

Բաբելոնի վերաբերող պատգամը.-
Անապատէն անցնող մրրիկի պէս փոթորիկ մը կու գայ ահա անապատ երկրէն։ Ահաւոր է տեսիլքը, եւ ինծի յայտնուածը՝ սարսափելի։ Ահա աւերողը կ’աւերէ, անիրաւողը կ’անիրաւէ։ Տեսիլքիս մէջ ելամացիները վրաս յարձակեցան, պարսիկ պատգամաւորները իմ վրաս եկան։ Փոխանակ գիշերը հանգիստով անցընելու, հեծեցի. սիրտս դողով լեցուեցաւ, երկունքը զիս բռնեց ծննդական կնոջ մը պէս։ Կծկուեցայ որ չլսեմ, ջանացի չտեսնել. միտքս մոլորեցաւ, շփոթութեան մէջ ընկղմեցայ եւ վախը զիս պատեց։ Տեսայ խնձոյքի սեղան մը դրուած. կ’ուտէին ու կը խմէին, մինչ անդին դէտեր պահակ կեցած էին։ Եւ ահա լսուեցաւ. “Ելէ՛ք, իշխաններ, ձեր վահանները առէք”։ Եւ Տէրը ինծի ըսաւ. «Գնա դո՛ւն ալ անձամբ դէտ կեցիր, եւ ինչ որ տեսնես՝ պատմէ»։

ՊՕՂՈՍ ԱՌԱՔԵԱԼԻ ԳԱՂԱՏԱՑԻՆԵՐՈՒՆ ԳՐԱԾ ՆԱՄԱԿԷՆ (4.3-18)

Որքան ատեն որ հոգեւորապէս անչափահաս էինք՝ բնութեան ոյժերուն կ’ենթարկուէինք ու կը ծառայէինք։ Բայց հիմա յարմար ժամանակը հասած համարելով, Աստուած աշխարհ զրկեց իր Որդին որ մարդկային մօրմէ մը ծնաւ եւ Մովսիսական Օրէնքին տակ ապրեցաւ, որպէսզի մեզ օրէնքին գերութենէն փրկէ եւ Աստուծոյ

որդիներ դարձնէ: Արդ, որովհետեւ իր որդիներն ենք՝ Աստուած մեր սիրտերուն մէջ զրկեց իր Որդիին Հոգին, որով զԱստուած «Հայր» կը կոչենք: Ուստի այլեւս ծառայ չէք, այլ որդի. եւ քանի որդի էք՝ Աստուծոյ խոստումը պիտի ժառանգէք:

Ճիշդ է որ նախապէս երբ զԱստուած չէիք ճանչնար՝ չաստուածներու կը ծառայէիք: Բայց հիմա որ զԱստուած ճանչցաք եւ մանաւանդ Աստուած ալ ձեզ ճանչցաւ, ինչպէ՞ս կրկին կը վերադառնաք բնութեան տկար ու խեղճ ոյժերու պաշտամունքին եւ վերստին կ'ողբէք անոնց ծառայել. յատուկ կարեւորութիւն կու տաք որոշ օրերու եւ ամիսներու, որոշ ժամանակներու կամ տարիներու: Կը վախնամ որ ձեզի համար տարած ամբողջ աշխատանքս զուր անցած ըլլայ:

Կը խնդրեմ, եղբայրներ, ինծի պէս եղէք, որովհետեւ ես ալ ժամանակ մը ձեզի պէս էի:

Ձեզի դէմ բնաւ գանգատ մը չունիմ: Ընդհակառակը, հարկաւ կը յիշէք թէ սկիզբը երբ աւետարանը ձեզի քարոզելու եկայ, տկար էի մարմնով. եւ հակառակ անոր որ հիւանդ վիճակովս փորձանք եղայ ձեզի, չանարգեցիք զիս, ոչ ալ արհամարհեցիք. այլ զիս ընդունեցիք այնպէս՝ ինչպէս Աստուծոյ հրեշտակը կամ Յիսուս Քրիստոսը պիտի ընդունէիք. եւ ուրախութեամբ ըրիք ատիկա: Հիմա ի՞նչ պատահեցաւ: Կրնամ վկայել ձեզի համար, որ եթէ կարելի ըլլար՝ ձեր աչքերը կը հանէիք եւ կու տայիք ինծի: Միթէ ճշմարիտը խօսած ըլլալուս համար թշնամի՞ եղայ ձեզի: Մի՛ կարծէք թէ ձեզի հանդէպ մասնաւոր հետաքրքրութիւն ցուցաբերող մարդիկը ձեր բարիքը կը խորհին: Ո՛չ: Անոնք կ'ողբեն ձեզ ինձմէ բաժնել, որպէսզի ամբողջութեամբ իրենց հետեւիք: Բայց երանի տեւաբար բարիին նախանձախնդիր ըլլայիք, եւ ոչ միայն երբոր ես ձեր մէջ ներկայ եմ:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՂՈՒԿԱՍԻ
(4.14-24)

Յիսուս Գալիլիա վերադարձաւ Սուրբ Հոգիին զօրութեամբ, եւ ամբողջ գաւառին մէջ իր համբաւը տարածուեցաւ: Անոնց ժողովարաններուն մէջ կ'ուսուցանէր՝ արժանանալով բոլորին հիացումին եւ գովասանքին:

Եկաւ Նազարէթ քաղաքը, ուր մեծցած էր, եւ իր սովորութեան համաձայն Շաբաթ օրը ժողովարան գնաց: Երբ ոտքի ելաւ կարդալու օրուան ընթերցուածը, իրեն տուին Եսայի Մարգարէին գիրքը: Բացաւ եւ գտաւ այն տեղը ուր կ'ըսէր.

“Տիրոջ Հոգին վրաս է. որովհետեւ օծեց զիս եւ զրկեց՝ աղփատներուն փրկութեան աւետիս տալու, արտաբեկները միսիթարելու, աւետելու՝ թէ գերիները պիտի ազատագրուին, կոյրերուն աչքերը պիտի բացուին, հարստահարուածները պիտի ազատին. եւ յայտարարելու թէ ահա հասած է ժամանակը երբ Տէրը պիտի փրկէ իր ժողովուրդը”:

Ապա գիրքը գոցեց, տուաւ պաշտօնեային եւ նստաւ: Ժողովարանին մէջ գտնուողներուն բոլորին աչքերը իրեն սեւեռած էին, երբ ըսաւ. «Այս մարգարէութիւնը որ դուք լսեցիք, ահա այսօր իրականացաւ»: Ամէնքն ալ տպաւորուած էին իրմէ, եւ հիանալով անոր շնորհալի խօսքերուն վրայ, կ'ըսէին. «Այս մարդը Յովսէփի որդին չէ՞»: Յիսուս ըսաւ. «Անտարակոյս ինծի պիտի ըսէք հետեւեալ առածը. “Բժի՛շկ, դուն քեզ բժշկէ”»: Եւ պիտի ըսէք. “Ինչ որ լսեցինք թէ գործեր ես Կափառնաուամի մէջ, այստեղ՝ քու քաղաքիդ մէջ ալ կատարէ”»: Եւ աւելցուց. «Բայց դուք ալ գիտէք, որ մարգարէն իր ծննդավայրին մէջ յարգ չունի»:





ՀԱՒԱՏՈՎ ԽՈՍՏՈՎԱՆԻՄ

Այսօր, ի ժամու ֆարոզի, Դպրաց Դասը պիտի երգէ հայրենի երգահան Արեգ Լուսինեանի «Հաւատով խոստովանիմ»ը:

Ստորեւ Ներսէս Շնորհալի Հայրապետի գօրաւոր աղօթաշարին առաջին հինգ տուները, որոնք վերհայեցողական երաժշտութիւն են զգեցած – *Խմբ.*:

Հաւատով խոստովանիմ եւ երկիրպագանեմ քեզ, Հայր եւ Որդի եւ Ս. Հոգի: Անեղ եւ անմահ բնութիւն, արարիչ հրեշտակաց եւ մարդկան եւ ամենայն եղելոց: Եւ ողորմեա քո արարածոց, եւ ինձ բազմամեղիս:


Հաւատով խոստովանիմ եւ երկիրպագանեմ քեզ, անբաժանելի լոյս, միանական Ս. Երրորդութիւն եւ մի աստուածութիւն: Արարիչ լուսոյ եւ հալածիչ խաւարի, Հալածեա ի Հոգւոյ իմմէ զխաւար մեղաց եւ անգիտութեան, եւ լուսաւորեա զմիտս իմ ի ժամուս յայսմիկ աղօթել քեզ

ի Հաճոյս, եւ ընդունել ի քէն զինդրուածս իմ: Եւ ողորմեա քո արարածոց եւ ինձ բազմամեղիս:

Հայր Երկնաւոր, Աստուած ճշմարիտ, որ առաքեցեր զՈրդիդ քո սիրելի ի խնդիր մոլորեալոչխարին, մեղայցերկինս եւ առաջի քո: Ընկալ զիս որպէս զանառակ որդին, եւ զգեցո ինձ զպատմուճանն զառաջին զոր մերկացայ մեղօք: Եւ ողորմեա քո արարածոց եւ ինձ բազմամեղիս:

Որդի Աստուծոյ, Աստուած ճշմարիտ, որ խոնարհեցար ի Հայրական ծոցոյ, եւ առերմարմին ի Սրբոյ Կուսէն Մարիամնայ վասն մերոյ փրկութեան, խաչեցար եւ թաղեցար եւ յարեար ի մեռելոց, եւ Համբարձար փառօք առ Հայր, մեղայցերկինս եւ առաջի քո: Յիշեա զիս որպէս զաւազակն՝ յորժամ գաս արքայութեամբ քով: Եւ ողորմեա քո արարածոց եւ ինձ բազմամեղիս:

Հոգի Աստուծոյ, Աստուած ճշմարիտ, որ իջեր ի Յորդանան եւ ի վերնատունն, եւ լուսաւորեցեր զիս մկրտութեամբ սուրբ սաւզանին, մեղայցերկինս եւ առաջի քո, մաքրեա զիս վերստին աստուածային հրով քով որպէս հրեղէն լեզուօք սուրբ զառաքեալն: Եւ ողորմեա քո արարածոց եւ ինձ բազմամեղիս:





1

ՀԱՆԴԻՊՈՒՄ-ԶՐՈՅՑ

Երգահան Արեգ Լուսինեանի հետ

Զորեքշաբթի, 25 Հոկտեմբեր 2017-ի երեկոյեան ժամը 7.30-ին

Ս. Յակոբ Առաջ. Մայր Եկեղեցոյ մէջ

Արեգ Լուսինեան կը խօսի մանկապատանեկան երաժշտութեան մասին առհասարակ եւ Մանկապատանեկան Պատարագին յօրինման մասին: Ապա՝ Տիկ. Էլիզապէթ Պողոսնի-Հարպոյեան «Նոր Ծաղիկ»ի պատրաստութեան աշխատանքին վրայ: Իսկ Արժ. Գառնիկ Ա. Բենյ. Գոյունեան կը խօսի Պատարագին խօսքերուն մշակման շուրջ:

2

ԿՐԿՆՈՒԹԻՒՆ

ՄԱՆԿԱՊԱՏԱՆԵԿԱՆ ՊԱՏԱՐԱԳԻՆ

Երգահան՝ Արեգ Լուսինեան

Երգչախումբ՝ «ՆՈՐ ԾԱՂԻԿ»

Խմբավար՝ Էլիզապէթ Պողոսնի-Հարպոյեան

Երգահնահար՝ Դալար Հարպոյեան-Գալլօղլեան

Կիրակի, 29 Հոկտեմբեր 2017-ի երեկոյեան ժամը 6.00-ին

Ս. Յակոբ Առաջ. Մայր Եկեղեցոյ մէջ

ՄՈՒՏՔԸ ԱԶԱՏ